

進止犯科不合儀式為四司所糾五帝所執
千愆萬罪乞蒙赦宥哀原未悟不見罪罰恩
惟

太上分別求哀^天臣愚謹因真官直使正一功
曹左右官使者陰陽神法吏科車赤符吏剛
風騎置驛馬上章吏飛龍神龍天仙飛真騎
吏各二十四人出操臣謹為某奉修靈寶九
幽明真遷神拔度大齋事竟起壇還職復諸
天位重明功德拜奏黃素朱表一通上詣太
上三天曹伏須告報臣某誠惶誠恐稽首再
拜以聞

臣姓某屬某州縣宮觀住持

太上無形無名虛無自然至真大道无上元
尊金闕七寶玉陛下

太歲某年某月日

次叩齒三通啓曰

臣謹重啓
太上無極大道太上三尊十方大聖臣今拜
奏表文願敕功曹典者主領進御必使上合
天府應時行下閉氣昇章徑御
太上無極大道御前當令所請時下所召時
到所申者通所遷者達若有下官故氣邀截
表文不使上御者錄付所在近司依律理罪
以明天憲臣等伏待報應

次露表案上存神如常訖

起再拜收表封函

次告金錄度命簡

元始符命金錄白簡救苦真符告下十方無
極世界三官九府百二十曹五帝考官九幽
地獄巨天力士執罰神兵司錄司命司功司
殺牛頭獄卒三界大魔拔度齋壇係薦應度
亡魂出離地獄永辭長夜覩見光明萬罪蕩
除冤仇和釋乘此九真妙戒拔度功德上生
諸天一如告命

太歲某年某月日於某壇中告下

讀文訖法師叩齒九通呪曰

元始上聖 玉帝高靈 王文告命 濟死度生
金錄妙戒 拯護幽冥 白簡寶符 九真玄經
解銷罪咎 寬債和平 救苦真人 削除罪刑
察命童子 注上生名 護戒威神 引詣福庭
超離五苦 乘駕雲軒 輪轉得道 飛昇上清
呪畢以簡隨真文表函焚之聲讚二
人持節洞案捧案監齋主同詣天門

焚表函真文白簡訖還復本位次告

山簡

今欽奉

皇帝聖旨於某處奉修靈寶九幽玉匱遷神
明真大齋若干日夜行道事訖投簡靈山願
神願仙飛行上清五嶽真文至神至靈乞削罪
錄上名九天請詣靈山金龍驛傳

太歲某年某月日具位臣某於某處告文

讀訖青紙封龍配之

次弟子執於香煙上師叩齒十二通

呪曰

玄上開明元始監真上帝五老赤書丹文天
地本始總領三元攝氣召會催促舉仙高上
符命普告十方日月星宿五嶽靈山天上地
下冥靈大神監生主錄南上三門關領玉簡
勒名丹篇削落罪目上補帝臣修齋行道上
告九天總校圖錄削滅罪根魂神開度超出
幽關行道事竟投簡靈山三塗罷對長夜蒙
原冤仇釋散地府寧闢福延大業祚永乾坤
今日上告萬真咸聞請以龍簡關盟真官乞
如所告金龍驛傳

呪畢眾官再禮

次讀水簡文

今欽奉